

兩浙名賢錄

兩浙名賢錄卷八目次

忠烈

元

溧陽教授林古泉

趙觀光

溧陽推官俞紹芳述祖

張進九

鎮撫季坦之完澤

金德附

平江推官俞子中庸

陳仲廣恢

司經正字陳元達達

劉知事良

子毅附

松江路學官胡師善存道

董太初旭

顧生

明

神木令陳子浩剛

參議王性常綱

子彥達保
與年附

知無爲董道貫魯

雲南同知黃德隣里

弟亨附

都給事龔叔安太

子永吉附

博士方希直孝儒

號澤附

翰林修撰王原采叔英

戶部侍郎卓維恭敬

谷府長史劉仲璟璟

子新附

都御史陳性善復初

翰林院侍講樓士連璉

左拾遺戴德彝

獻縣令向遵博朴

子道淳道敏附

太常少卿盧希魯厚質

兵部侍郎徐宗實厚

戶部侍郎盧迥

袁州知州楊任

監察御史鄭叔貞公智

按察副使程原道本立

按察司僉事林嘉猷昇

知縣鄭恕

二女附

吏目鄭思孝華

郎中梁田玉

郭良梁中節梁良用宋和郭節何洲梁良玉何申附

御史葉希賢

雪庵和尚

河西儲

附

川中補鑄匠

附

馮會

附

東湖樵夫

常州同知石恒德允常

知府葉惠仲

兄東仲附

知府徐安

國子助教張孔升經

工部尚書嚴震直

按察副使殷旦

督府都事潘誠夫

子凱附

福建參議張彥華

弟敬子附

張海海

通政謝時用

僕由吉子儀
孫元順附

兵部主事俞元器

子津附

廣東副使毛宗吉

子科附

長隨柯鼎

兵部員外郎陸汝亨

江西巡撫孫德成

子堪
輝附

裕州同知郁亮之

朱知縣士亨

永福知縣周克光

倉事王汝修

姚長子

義士汪較

魏鏡

員名四

卷七

祭啓元

桂茂御棍

又文
明附

趙乾倫

朱汀

子友章王
永登附

定海文學茂良翰

饒州府判秦仲文碧

江西左參議黃德裕宏

江陰縣知縣錢鳴叔錚

常熟縣知縣王德盛缺

永福縣知縣周克光煥

附世胄名賢

萬文質斌

子鍾孫
式文附

遠東都司同知李任

崔有本源

二弟澄
清附

寧海所副千戶呂守誠忠

黃巖騎兵林文貴

陳表

火德光

宋汝觀惠瀾

秦彪

弟漢附

葉朝佩紳

韓編附

劉大昌隆

劉大光炳

海寧衛馬呈剛

姚弘采煉蒲朝徐
行便李元律附

兩浙名賢錄卷八目次終

兩浙名賢錄卷之八

東海徐象梅仲和氏謨

武原鄭忠材孝標氏閔

忠烈

元 共十四人

深陽教授林古泉

林古泉黃巖人博極經史爲文詞下筆輒數千言如不經思虞伯生揭曼碩皆與之交以遺逸舉授深陽教授未幾斬黃寇起古泉攝州事州陷遇害垂死罵不絕口

嚴怒，燻其尸州南大樹上。

趙觀光

趙觀光，鄆人也。幼多智識，補長好讀書。通達時務，以郡博士弟子員，得推擇。試吏奉化州，尋遷昌國。至正十年冬，貴戚寇起，而昌國孤懸海中，勢甚棘。州戾帖木兒不花，同計觀光對曰：州兵寡弱，且不諳水戰，惟請秀二山居民，悍勇善閉，素習海事。若募以厚貲，示以重賞，用之擒賊，無難矣。戾然其言，卽以事委之。觀光招諭有方，不擾而事集。明年正月，從戾引兵出海，聞帥總軍民兵同

會海門洋俄而賊船百餘猝至衆皆懦弱莫敢前獨
光部兵與之奮戰至晚無大勝負明日觀光分給兵餉
還隄上賊復大至卽說侯進敵賊衆數倍我軍莫支
觀光持短兵搏戰矢石交下我軍與賊不可辨且無
援者遂死之。

汜陽推官俞紹芳述祖

俞述祖字紹芳慈谿人斯弛不羈嘗漫游武林遇知者
携往京師時留守賀惟一多其才器延置賓館未幾賀
登中書平章政事朝廷有大疑退必請決於述祖及賀

陸左相與右相相排軋。逮祖尤善調護，補翰林院。胥歷
沔陽路推官。至正十二年，河南兵攻湖廣行省，長吏上
下望風奔潰。述祖慨然收募義勇，推牛享士，與敵遇於
綠林，相持十餘日，力盡無援，爲敵所執。敵欲降之，縛其
五歲小兒，曰：不降，將殺是。卽厲聲曰：我野不閔，遑恤其
後。何不速殺。是敵竟殺之，慢罵不已。遂至支解，逮死。罵
不絕口。事聞，詔贈奉訓大夫，飛騎尉，象山縣男子贈禮
部郎中，命有司復其家，錄其姪一人爲後。對品承襲。十
二年，詔祠於沔陽。

張進九

張進九青田之秋廬人世業農敦樸有至行至正乙未八都賊起進九被縛使前誘衆降進九怒呼曰諸人速來殺此八都賊賊加刀於頸令如已言卒不屈罵不絕口竟被殺邑人陳德載爲之立傳

鎮撫季坦之完澤

金德附

季完澤字坦之永嘉人幼習蒙古字求爲郡譯史弗克補用遂落魄湖海間至正末嘗從江西左丞李朵兒留燕京得爲平江路管軍鎮撫爲仇家所訴免官會賊攻

呈嶺關行省遂假完澤前官令從征完澤勇於討賊凡再戰關下皆大勝尋又與賊閉日且至午轉戰數里深人重圍遂爲所執其妻弟金德亦被擒賊皆縛之於樹臨以白刃脅之降金德意未決完澤大呼曰金舅男子死則死耳不可爲不義奈何聽賊德曰此言最是因大罵賊怒剖二人之腹而死

平江推官俞子中庸

俞庸字子中嘉興人爲平江路推官年飢穀貴流殍塞途憲府檄庸董倉庾賑給全活數萬淮兵壓境庸募勇

士鑰守盛門郡僚高安等謂庸盍不去諸庸厲聲叱曰
公等以世臣守土一旦臨利害不能捐生報國而顧先
去以爲民望如恩與義何高安愧怒以鐵簡擊庸仆地
遂開門兵至城下庸未甦被擒置諸馬下頃之甦以計
脫去微服間道歸久之太府知其入將授以官謝之曰
吳門之役吾有死所今日之生出不幸耳尚負面授他
命見天日乎因發憤病卒年四十五

陳仲廣恢

陳恢字仲廣黃巖人至正庚寅方國珍寇海上境內騷

動恢與居僅一里聚族人及鄉之好義者禦之不克寇以勢利誘之恢諷罵不從既而與之戰於白楓河宗族死者八十餘人寇勢益盛恢自度終不能敵逃避山中憂憤成疾而卒

司經正字陳元達達

陳達字元達蘭谿人自中之孫也父萍仕元爲宣政院使達自少徵入宿衛學書於康里子山詔書欽安殿榜補吉擢端本堂司經正字文學官立朝蹇諤嘗劾秃魯帖木兒忤旨賴太子營救得不死辟官歸永嘉從進士

陳高受命語及時事輒於邑流涕復召爲翰林學士
不起王師下温州自沉於淵軍士引出之持佩刀自裁
軍士奪之乃斷髮示無用安置濠州遇赦還歸谿病風
痺聞有薦於朝者藥弗禦而卒蘓太史伯衡表其墓
曰公伯祖宜中以攻下大全而編管建昌公以劾禿魯
帖木兒而獲見殺生與死會何其絕相似也及元亡公
分致死以徇國其心與乃祖行軍司馬死分水關同諒
一門之內百戰之間風烈相終始所謂世篤忠貞者哉

劉知事良

子毅附

劉良辰之從父也。仕元爲常州萬戶府知事。張士誠圍常州，援兵絕不至，遣其子毅賫蠟書浮江間道抵江浙，行省求救未及，還而城陷。良不屈，闔門赴水死者十餘人。

松江路學官胡師善存道

胡存道字師善，諸暨人。至正甲午，辟爲松江路學官。苗兵入城，縱火大掠，獨守學舍不去。死之前一日，題其壁曰：「啣命來分教，臨危要致身。但圖存聖像，不媿作儒臣。」鄉人立祠繪像，刻之於石。

董太初旭

董旭字太初公健之後也少負英氣博通羣書與邁里古思最友善古思欲與師討方國珍臺臣怒其不稟命殺之旭作詩傷悼辭極哀楚遂歸隱山中已而國珍據台慶欲羅致幕下旭拒不受乃作詩曰鬱鬱芒碭雲未辨蛟龍形熒熒祥星光未燭夾馬管君子慎其微草露不可行國珍復強之終不屈遂遇害

顧生

顧生上虞人也平生以忠義自許至正間鄭寇方國珍

侵上虞時適吉古思守郡城帥兵拒之生聚鄉兵出應
與賊兵戰於曹娥泉寨不敵遂遇害里人瘞其屍江岸
後岸被江濤上下皆噴而生冢獨完人咸異之

明 共八十九人

神木令陳子浩剛

陳剛字子浩鄞人昔與甬東傅恕窮日夜績學期以科
目自見造詣日深終不一踐場屋洪武五年徵授延安
神木令其地控西北邊人民甚稀習尚桀驁剛徒步上
任撫牧疲瘼尤急於摧折姦先有小吏白敬臣素稱險

豐剛欲諫之而敬臣先覺亡去引賊入寇與其徒劉繼
宜挾刃逼令降賊剛不屈罵曰汝奴果致賊爲逆耶吾
與此邑同存亡恨不寸斬汝等賊奪剛所佩印殺之縣
遂陷

廣東參議王性常

子彥達孫與準附

王綱字性常餘姚人洪武初以文學徵見上親策治
道拜兵部郎中未幾潮民弗靖擢綱廣東參議往督兵
餉綱致書與家人訣携其子彥達與俱單舸往諭降之
還至增城遇海寇曹真竊發鼓噪突至截舟羅拜願得

綱爲紳網論以違願禍福不從則屬聲叱罵之遂共扶
昇之而去賊爲壞日坐綱上日羅拜請不已綱亦罵不
絕聲賊怒遂遇害彥達哀號請代不得且哭且罵曰賊
先殺我其前長曰父忠而子孝殺之不祥與之食不顧
錢謂其誠孝釋之乃縲羊車覆綱尸以出歸葬泰山洪
武二十四年御史齊純上其事詔立廟死所額曰父子
忠孝彥達子與準閉門力學有司以遺逸薦遷之山中
終身不仕

董曾字貫道，旭之弟也。師鄉先生潘壽通，習經史，善古文。元末，不仕。方國珍欲官之，力辭不受。居東陽山中。太祖駐蹕金華，以禮招致，曾往見，說以經略，授知無爲州。遇陳友諒寇城，被執脅降，不屈而死。州人哭聲震地，立碑頌德。有詩集、天姥山賦行於世。

雲南同知黃德隣里

弟亨附

黃里字德隣，山陰人。幼有大志，以節義自許。從王冕學，通春秋三傳，工詩詞。洪武初，舉明經，授雲南州同知。與弟亨偕往。七年，山寇突入，倉卒里以身禦之，寇欲奪其

印里執弗與且詬罵求死遂遇害寇方肆擄掠亨痛憤致死命率衆百餘與寇戰勇氣百倍寇不支潰去亨亦傷其左目瀕死抱兄骨萬里歸葬人謂里死官而亨破寇忠義萃於一門惜未有以其事上聞者

鄒給事中龔叔安太

子承附

龔太字叔安義烏人洪武十九年鄉薦明年入太學吏部策試第一除戶科試給事中建文三年遷都給事中文皇渡江太與妻傅訣曰事至此我自分死爾第携幼孫歸否則俱溺井無辱俄宮中火起太馳赴爲兵校所

執見 又皇金川門以弄奸籍得釋太自投城以死年三十六子永吉累官兵部右侍郎改南京大理卿致仕

文學博士方希直孝儒

魏澤附

方孝儒字希直一字希古台州寧海人父克勤國初守濟寧有惠政孝儒自幼精敏絕倫雙眸炯炯日讀書積寸爲文雄邁深醇鄉人呼爲小韓子長從宋漁遊宋門下多名士孝儒一旦遂出其上先輩如胡翰蘓伯衡皆自謂弗如也恒以明王道闢異端爲已任故世咸以爲程朱復出洪武十五年以薦召見上喜其舉止端整

謂皇孫曰此莊士當老其材以輔汝且遣還鄉會使家
得罪詞連孝儒籍其家械送闕下 上議孝儒名特賜
開釋令奉祖母挈妻子還二十五年又以薦召至上
曰今非用孝儒時稍擢漢中府學教授孝儒日與諸生
講明正學蜀孝王聞其賢聘爲世子師孝儒每見王必
陳說道德講經論文無虛日王甚喜爲名其讀書之廡
曰正學 皇太孫卽位廷臣交薦召爲翰林博士進侍
講尋陞侍講學士凡將相大政議輒咨孝儒 上好讀
書每有疑卽召使講解臨朝奏事臣僚面議可否必命

孝儒就宸前批答時大召名儒修 太祖實錄及類纂
諸書孝儒爲總裁比定官制改文學博士靖難兵起日
召謀議詔檄皆出孝儒手建文遜去 文皇以姚廣孝
言召用孝儒不肯屈繫獄一日遣人曉諭再三終不從
又召草詔及見悲慟徹殿陛 上降榻勞曰先生無自
苦余欲法周公輔成王耳孝儒曰成王安在 文皇曰
渠自焚死孝儒曰成王不在何不立成王之子 文皇
曰國賴長君孝儒曰何不立成王之弟 文皇又曰先
生無過勞苦此朕家事耳置之左右授筆札日詔天下

非先生草不可。孝儒大批數字云云。投筆於地。又大哭。且罵且哭曰。死卽死。詔不可草。文皇大怒。命磔諸市。孝儒爲絕命辭曰。天降亂離。今孰知其由。奸臣得計。今謀國用猶。忠臣發憤。今血淚交流。以此徇君。今抑又何求。嗚呼哀哉。今庶不我尤。時年四十六。復詔收其妻鄭鄭先自經死。宗族坐死者八百七十三人。孝儒初被薦時。王叔英與書以時措之宜爲言。孝儒亦然之。及侍上輒慕古王政。卽欲見諸行事。以故多紛更。卒無成效。其文章四方裔夷。得一字寶於金壁。所著有遜志齋集。

四十卷其餘諸書逸不傳洪熙初仁廟嘗謂羣臣曰
若孝儒輩皆忠臣詔奸臣黨與從寬典方氏遺族始有
赦還鄉者因立祠堂祀孝儒成化初遺文始行或口錄
孝儒家時得魏典史澤周旋藏其幼子以故孝儒尚有
後謝文肅公詩所謂孫枝一葉是君恩也孝儒死節後
至今百六十年人皆歷歷能言雖人人殊其成仁取義
之死靡悔斷然不可泯滅而同時文學柄用之臣際會
功名史有別書以故魏惠安公澤哀江南詞有曰後來
奸佞儒巧言自粉飾叩頭乞餘生無乃非直筆澤字彥

思應天人爲刑部尚書謫寧海

翰林修撰王原采叔英

王叔英字原采台之黃巖人洪武二十年薦起爲僊居
訓導三十年改海安府學陞漢陽知縣有惠政嘗遇旱
虔禱不效遂絕食天大雨復所晴遂霽建文初方孝孺
欲復古井田叔英貽書力阻之曰凡人有才固難能用
其才者尤難子房之於漢高能用其才者也賈誼之於
漢文不能用其才者也方今明良相值千載一時但天
下之事固可行於古而亦可行於今者如夏時周冕之

類是也。亦有行於古而難行於今者。如井田封建之類。是也。可行者。行則人之從之也。易難行而行則人之從之也。難從之。易則民樂其利。從之難。則民受其患。此君子之用世。貴得時措之宜也。召爲翰林。修撰。上資。治八策。又曰。太祖除奸剔蝨。抑強鋤梗。如醫去病。如農去草。去病急。或傷體。膚去草。嚴。或傷禾稼。是故體膚病去。則宜調燮其血氣。禾稼草去。則宜培養其根苗。靖難兵。至淮。上建文遣使。四出募兵。叔英奉詔。行至廣德。聞。

上已遷位。卽慟哭。會齊秦奔叔英。曰。奉詔心矣。急擒奉。

至密問之乃相抱哭相語共圖再舉已而知不可爲沐浴衣冠書絕命詞藏裾間自經於玄妙觀銀杏樹下詞曰人生穹壤間忠孝貴克全寔除事君父自省多過愆有志未及竟竒疾忽見纏肥甘空在案對之不能噉意者造化神有命歸九泉嘗念夷與齊餓死首陽巔周累豈不佳所見良獨偏高蹤邈難繼偶爾無足傳千秋史官筆慎勿稱希賢又題其案曰生旣久矣未有補於當時死亦徒然庶無慙於後世妻金安人繫獄死二女赴井死祠山道士盛希年收叔英葬於本州城西五里之

地正統中楊士奇題曰嗚呼翰林修撰王原采墓士奇叔英所薦起也

戶部侍郎卓惟恭敬

卓敬字惟恭溫之瑞安人生有異質七歲時相工曰此兒骨髮殊異必爲名卿惜血不華色耳年十五讀書寶香山風雨夜歸迷失道得一兒牛憑之歸比入門乃黑虎也洪武二十一年進士除戶科給事中時制度未備諸王服乘多僭敬乘間爲言上曰爾言是朕慮不及此因陞宗人府經歷進戶部侍郎建文初燕王來朝敬

齊奏曰燕王智慮絕人酷類先帝夫北平者強幹之地
金元所由興也宜徙燕南昌以絕禍本夫萌而未動者
幾也量時而爲者勢也勢非至勁莫能斷幾非至明莫
能察建文覽奏大驚袖之翌日語敬曰燕王骨肉至親
卿何得及此曰楊廣隋文非父子邪建文默然良久曰
卿休矣事竟寢 文皇卽位責敬不奉迎乘輿敬厲聲
不遜怒欲殺而憐其才謂姚廣孝曰諸奸臣皆欲首先
害卿 敬諫徙封內地若聽其言則干戈息矣廣孝曰
不然南昌地居卑下金陵加兵特探囊取物耳使敬言

誠用。陛下豈有今日。於是敬遂死。敬臨刑從容歎曰。變起宗親。略無經畫。敬死有餘罪。神色凜然。經日猶如生。夷三族。文皇常曰。國家養士三十年。唯得一卓敬。後四十年。劉球傳其事。私謚曰忠貞。敬立朝慷慨英偉。美丰姿。善談論。凡天文地理。律曆兵刑。皆能究察。詩文峭拔磊落。所著文集五十卷。

谷府長史劉仲璟

子新附

劉璟字仲璟。文成公基之仲子也。生時月食。復光。基歎曰。天墜乃緒。而卒能幹之者也。弱冠。涵濡經傳。喜談兵。

究極韜略，握奇諸書，偉貌豐髯，議論英發，屢賊禁丁香，叛延安侯唐勝宗討之，決策於璟，破賊還，薦璟才略。

上喜曰：璟真伯溫兒矣。徵入朝，命襲父爵。璟曰：臣有姪在。上曰：璟終儒家子。即日拜閣門使。謂璟曰：朕欲汝朝夕左右，惟閣門使如儀禮司，立百官上。宣達爲職，處爾無逾此官者。復金書除奸敵，依四字於鐵簡以賜之。且命曰：百官敢有不法，汝持此糾正。適都御史某奏車牛事件，旨璟卽以鐵簡擊其頸。上喜曰：正當如此。由是舉朝畏忌，璟謀所以去之。會德王封宣德府。上謂

侍臣曰谷王年少誰可羽翼王者諸大臣遂薦璟曰閣
門使劉璟忠勇果敢可任上領之授谷府長史并勅
提調蕭遼慶寧燕趙六王府事璟嘗至燕文皇與璟
奕璟勝文皇曰卿獨不少讓我耶璟正色對曰可讓
處璟不敢不讓不可讓處璟不敢讓文皇默然靖難
兵起璟馳還京獻十六策不聽令參議李景隆軍事景
隆又不聽景隆兵敗璟夜半渡蘆溝河水陷馬斃璟力
破冰跳躄岸冒雪走良鄉趾裂跛行三十里璟子豹自
大同赴難越良鄉至涿州遇璟翼璟上馬遁去璟痛憤

失策與疾赴關。進聞見錄千萬言。又不聽命。還家待用。明年六月。建文既遜位。璟稱疾不起。法官論璟逃叛。親王逮赴京。鄉人餞於道。或從容謂曰。主上明聖。何啻太宗。先生忠亮。允爲魏徵可也。璟推席起曰。爾謂我學魏徵耶。仰天大號。兩淚俱落。衆視之。泫泫然。淚皆血也。不顧而去。至京。強以官辭對。上猶稱殿。下且曰。殿。下百歲後。終逃不得一箇字。下獄。卽夕。辮髮自經。死。法官希旨。緣坐其家。上不許得歸葬。嘉靖乙酉。督學使者萬潮肖像配饗文成祠。

都御史陳性善復初

陳性善名復初以字行山陰人洪武十八年進士上見性善疑重謂侍臣曰性善君子人授行人司副入翰林爲檢討初誠意伯劉基卒命李鐸往取其遺書基子璉卽出觀象玩占石室中從鐸詣闕上之性善善楷書召入便殿繕錄上威嚴進見者惶汗手顛不成字性善動止安雅書法端正上悅賜性善酒是時威謹叵測性善留意日家人以爲死比出大驚喜久之超陞禮部左侍郎皇太孫在東宮時熟聞性善名及卽位一

日退朝，獨召性善，賜坐問治天下之要。且使手書以達性善，咸知遇。盡所欲言，朝廷悉從之。然施行未竟，輒爲有司所更。性善請見曰：陛下不以臣愚，猥承顧問。臣既借塵上聽，許臣必行。未幾輒改，所謂爲法自戾，何以信天下。靖難兵起，改性善爲副都御史、監軍。建文四年三月辛巳，戰靈壁，敗績。與彭與明、劉伯完、王資皆被執。文皇縱之歸。性善反朝服，墜入河死。之後，加追戮。宗徒邊已而赦還。

翰林侍講樓士連碑

樓璉字士連，金華人。嘗從宋濂學。洪武中以儒士召，歷官至監察御史。謫戍雲南。建文嗣位，屢下詔求賢。璉以文學舉，入翰林爲侍讀。靖難兵入，命方孝儒草詔。孝儒哭且罵，授之筆，斃諸地。曰：身可死，詔不可草。改命璉及王景璉惶懼，不敢辭歸，而憤悶。妻子曰：得無傷方先生耶？璉媿曰：我受刑猶可，正恐累及爾輩耳。遂巡一夕自經死。

左 裕 遺 戴 德 彝

戴德彝，奉化人。洪武二十七年進士第三人，初爲翰林

編修三十年與張信並陞侍讀。上諭曰：汝爲侍臣，凡
國家政治得失，生民利病，當知無不言。昔唐陸贄、崔羣、
李絳在翰林，皆能正言讜論，補益當時，汝宜以古人自
期。德彝與信皆頓首謝。由是感奮，思所以稱上意。遷
遺補闕直聲，振於朝。改監察御史，益善其職。建文中省
御史，改左拾遺。靖難兵起，與黃子澄、練子寧輩日夕畫
策防禦。命既遷，不屈而死。

獻縣令向遵博朴

子道淳道微附

向朴字遵博，慈谿人。宋丞相文簡公敏中之十四世孫。

父壽宗慈湖之學學者稱爲樂齋先生朴得其傳行務
實踐力學養親不求聞達洪武二十五年上命督府
都事張允直訪求江南人材以朴應詔陛見高皇帝
問居家何爲對曰種田其容秀而文上心知其非耒
耜中人也因詢大麥何以四節對曰以其占四時耳卽
日授獻縣令單車就道妻子不入官舍時兵燹之餘爲
之闢荆榛畚瓦礫教百姓農桑與同甘苦流移復業靖
難兵起獻當其衝無城郭可守朴集民兵激以義勇與
北將談淵迎戰衆寡不敵被擒懷甲受刑獻民哀之相

與拾遺骸葬道左副都御史陳瑛請究治死事諸臣有
楊姓者父子三人懼發掘夜負骨潛葬邑北十里承樂
初中書舍人王尹實北上詢得葬所宿郵舍夢朴服血
污葛衣談其往事卽秉燭爲文乘星月往哭之海川令
韓彥起復匿其二子於任顧道輯其遺事書于寶峯庵
佛座後三人者皆義士也二子道淳道徵道淳被徵竟
稱痼疾不起有攀柏悲號之風

太常少卿盧希魯原質

盧原質字希魯寧海人父中母方孝儒姑也洪武二十

一年進士第三人授翰林編修孝儒遺原質詩曰奉天
殿上楹初開共賀江南得異才好與青蘿居士說今年
文運屬天台二十三年丁外艱賜傳奔喪二十八年陞
太常少卿事建文累有建白靖難後召見不屈死族其
家

兵部侍郎徐宗實屋

徐屋字宗實黃巖人以字行聘授風紀官屋以草茅愚
屏弊改銅陵簿請淮陰驛丞郡邑士多所造就召見獎
諭屢聘主文衡陞蘄州通判擢兵部右侍郎靖難兵起

奉使招集兩浙義勇。明年建文遜位去。歷家屢沒於東。師。屋。義。傑。侃。然。杜。門。終。老。

戶部侍郎盧迥

盧迥。僊居人。建文三年爲戶部侍郎。迥疎爽。不屑曲謹。然大節皎然。少喜飲酒。酣輒長歌。人或謂迥狂。旣仕。頗折節恭慎。靖難後不屈。縛就刑。長。誦。而。死。聞。者。悲。之。或曰。盧。瑛。

袁州知府楊任

楊任。嘉興人。母張氏。初生。任。有。胡。僧。過。門。聞。啼。聲。歎。曰。

此兒異日必貴恐終不免於刑任至孝嗜學洪武間由
人才擢知袁州府黃子澄一見以國士許之靖難兵起
引疾歸壬午事定子澄出徵兵往約蕙守姚善航海善
不可子澄乃至任家共謀求舊君以圖大舉事泄任與
子澄俱被執至京磔於市任子禮坐死籍產族誅

監察御史鄭叔貞公智

鄭公智字叔貞寧海人力學好古工文辭方孝儒薦之
蜀孝王召至成都王與語經史論詞藝公智數稱述河
間東平賢行王說之建文初侍孝儒至京尋舉賢良爲

監察御史、事精敏、持法不阿、靖難後、坐方黨論死。

按察副使程原道本立

程本立字原道、系出伊川上世、徒崇德、今柝桐鄉、本立少有大志、讀書不務章句、與海鹽沈壽康友善、嘗執手告本立曰、世之學者、爭務科舉、以經學爲名、而無實、吾所不取、子之質近厚、年且富、當志於聖賢之學、本立遂篤志修檢、造詣日深、國初舉明經秀才、洪武九年、除秦府引禮舍人、十三年、補周府引禮官、從王之國、二十年、春、遣長史從、王來朝、被累、謫雲南馬籠、他鄉、旬長官司。

吏目留家大梁從一僕去會死可伐煽誘百夷爲逆本
立單騎入夷巢諭以利害諸酋落感悅歸附是冬諸夷
復變帥潘沐英張紘屬本立行縣與兵事且撫且禦本
立不避險難山行野宿自楚雄姚安抵大理永昌鶴慶
麗江往來綏輯民夷稍安二十一年奏計入京應天府
尹向寶翰林學士董倫薦本立學行政事宜留徵入翰
林克纂修官修太祖實錄建文三年實錄成改江西
按察副使未至江西聞靖難兵入自縊死後百三十年
福建布政使吳昂刻其吳隱集於閩壽康人稱爲孝隱

先生自有傳

按察司僉事林嘉猷昇

林嘉猷名昇以字行臨海人少師同邑王琦琦坐累徙雲南姻族無敢顧者嘉猷徒步千里追送泣別人高其誼後與鄭叔貞負笈六千里至漢中師方孝儒時學於方氏之門者踵接而孝儒獨以得二人爲喜曰匡我者二子也洪武末以儒士校文四川建文初薦修高廟實錄入史館爲編修遷陝西按察使僉事嘗被召入燕邸得其隱知二郡王素傾世子以告孝儒孝儒言之建

文君遣錦衣千戶張安持書請燕許世子王燕燕內使
黃儼因問世子計且得行而世子竟先發事遂沒靖難
後坐方黨逮至京不屈死之

知縣鄭恕 二女附

鄭恕字本忠，僊居人。治尚書，能賦詩，善書畫，好古博雅。
家甚貧，金魚餽塵一介不妄取。蕭然斗室，日與學徒數
十人講論經理。高風勁節，一時敬嚮。寧波知府禮聘爲
昌國訓導。未幾陞蕭縣知縣，留心撫字，民愛敬之。建文
四年，靖難支將王聰攻破蕭，恕死之。年五十六。後籍其

家二女皆配亦死之子漁湜姪溫汲請北平種田

吏目鄭思孝華

鄭華字思孝臨海人洪武十八年進士初授行人奉使川廣有令名建文元年詿謫東平州吏目靖難兵起謂其妻爾曰吾義必死奈親老汝少何妻泣對曰君能爲國妾獨不能爲君乎華乃稱疾尋醫携家託其友無錫丞趙次進馳還東平時州長貳皆弃城去華獨幸吏民憑城死守憂勞病甚水漿不入口者三四日北將朱能攻陷以阿分兵取東平華曰守土之臣義不苟生請

援山東。又不至。乃力疾戰。不屈死之。時年甫三十。

鄧中梁。固玉。

郭良梁中節。梁良用。宋和郭節。何洲。梁良玉。何。

梁固。王定海人。靖難兵入金陵。與葉御史俱髡髮爲僧。避去。久之。松陽人王詔遊治平寺。視轉藏。聞藏上。嚙。有聲異之。令人緣藏上。登頂。無所見。唯見一卷書。載建文時。出亡臣僚。十餘人事。紙毀。汜。字多。斷爛。不可讀。讀數日。稍稍詮錄。其可識者。得田玉。郭良梁。中節。梁良用。宋和。郭節。何洲。梁良玉。何。申。凡九人。人僅數言。詔憐其忠。又得之。異。各贊數語。題曰。忠賢奇秘錄。贊田玉曰。

行備名釋知我者誰至寶滄流久而同燁

中書舍人梁良玉與梁郎中同族靖難兵人誅妻子易
姓名挾微賫走出金陵逾嶺至海南寓市肆鬻書爲業
以死贊曰忠臣蹇蹇遵彼海濶沈書說市賣以盍簪屯
如遺如哀此陸沉

中書舍人宋和郭節皆不知何許人靖難後變名挾
盃書走異域賣卜給衣食客死

何洲不知仕何官與宋和郭節友善素以忠義相最遂
相約爲筮人客死異域詔合洲與宋和郭節而贊之曰

箕子陳範嚴氏隱卜義有從否道有宜告烈烈英賢寥寥冥鶴。

梁中節定海人未詳仕何官少好讀老子太玄經靖難後與郭良弃官同走出京城爲道士入山去。

郭良亦不知何官何處人靖難後亦弃官爲道士合贊曰。駕言導引笑傲林臯。頽波莫挽。使我心勞。

梁良用亦定海人父子兄弟八人同仕於朝靖難後相率變姓名避去良用去爲舟師已而死於水或曰梁氏父子兄弟爲舟師技水死者五人贊曰泛泛柏舟載浮。

載沉中流。誓節惟我好音。肯欠一死。非名是尋。以完我族。庶明我心。

中書舍人何申不知何許人。建文末奉使四川。至峽口。聞金川門不守。發憤慟哭。吐血不數日。疽發背。死。贊曰。兩涯洶洶中作。霹靂義氣。憑股與之俱激。奸諛遇此。寧不惕息。

鄭端簡曉乃榮枯王子之詞。合而銘之曰。今吾故吾。知我者誰。瘠若漆身。希蹤採薇。戢戢潛龍。寥寥冥鶴。豈吝箕疇。而甘漢卜。山椒水滸。天涯海濶。會其可逢。鼓以南。

音肯欠一死以明我心白霓晝見真淵沉沉孰呵護此
悠悠古今嗟乎靖難時死者無慮千人宋張林黃諸君
于百方搜考僅得百餘人此二十餘人者幸而不死又
符好義者密錄其姓名藏之蕭寺秘處歷百餘年而玉
詔始見之縉雲鄭傳爲識其事竟以紙字磨滅故僅得
九人其十一人不可考矣

御史葉希賢

葉希賢監察御史也或曰浙東人或曰起家鄉薦入臺
侃侃自負建文中屢覲言用兵事又嘗勅臥李二夫將

矢律喪師、金川門失守、又詐藩守門者、靖難後、坐逆黨、
死。

雪庵和尚

雪庵和尚、名暨、不知其姓、靖難初、方黃之獄、殺幾萬人、
卽不殺、謫戍窮邊、不死於道、死於邊者、又幾萬人、當是
時、和尚壯年、始痛哭、落髮爲僧、西南走重慶、大竹、善慶
里、里墟中有隱士杜景賢、知和尚非常人、與之游、往來
白龍諸山、山傍有松栢灘、潭水清駛、蘿篁森蔚、和尚欲
寺焉、景賢豪有力、卽爲之寺、寺成、和尚率其徒入居之、

所夕誦經。山中人不知書。謂且誦佛經。乃不知其誦易
經卦也。景賢曰。和尚相釋。而誦儒。不可。請誦佛經。乃和
尚亦知景賢意。遂誦觀音經。和尚好觀楚詞。時時買楚
辭補之。登小舟。急棹灘中流。朗讀一葉。輒投一葉於水。
投已。輒哭哭已。又讀讀終卷。乃已。衆莫測其云何。景賢
固知之。然亦不問。和尚好酒。不戒酒。日注酒一壺。俟客
客至。輒飲。客不至。卽拉樵牧豎入飲。飲半醺。呼兒童歌
田。表歌爾和歌。竟瞑焉而寐。和尚頰形秀爽。指柔白。翦
髮。落筆成章。詞不甚工。密然意氣渙發。又能感喻人。以

時和尙嘗建文壬午爲御史不數月帝遜位和尙因私
跡以死死之日其徒問曰師卽死宜銘何許人和尙張
目曰松陽問其姓名不答和有詩若干篇今且百四
十餘年尙未敢顯行於世或曰此松陽葉希賢也以賢
良方正舉爲監察御史

河西備附

河西備不知何許人建文四年夏六月靖難師入金陵
備披葛衣走是冬至金城行乞市中金城邊地極寒備
披葛衣明年過河西依莊浪豪魯家爲備備取直稍稍

積買羊裘披而覆以故葛。衣葛益破縷縷，竟不肯脫。夏
或衣暑布布，卽新故葛衣，輒覆其上。傭錢稍有餘，走市
中買牛肉與酒，與市中乞兒共飲食。傭力作倦時，自吟
哦，或夜聞其哭泣聲。永樂中有留都官，從宋總兵至燕。
浪者謙儻，欲與語，儻走南山中避之。旬月，留都官去，乃
還。有問留都官傭何人者，留都官亦不答。在莊浪數年，
病且死，呼主人謝之。且囑曰：我死勿殮我棺，幸西北風
起，火我無埋我骨。魯家從其言。

川中補銅匠

附

川中補鍋匠亦不知何許人。往來夔慶間。爲人補鍋。至州邑。不過三日。卽去。去或復來。夔慶人有欲學補鍋者。卽教之補鍋。不索謝。直令負擔。從有後輩學者。至卽遣先學者去。如是數年。夔慶間人識之。皆呼爲老銅匠。補鍋或與錢布米。不擇。當食時。與之食。卽不復索錢。錢稍稍積囊中。遇風雨寒暑。不出補鍋。卽出錢買酒飯自飲。食常寄宿蕭寺中。一日於夔州市上。忽逢馮翁者。二人相顧愕然。已而相持哭。哭已相牽入山岩中坐。語竟日。學補鍋者屏不得聞。二人語語已。又相持哭。且別去。言

今永訣不可復相見已竟莫知其所終蜀中蛾眉亭嘗
有建文遺臣題詩云一箇忠臣九族殃全身遠害亦天
常與齊死後君臣薄力爲君王固首陽

馮翁

附

馮翁亦不知何許人在夔州以章句教童子給衣食能
爲對句及古詩詩成輒自題馬二字或馬公或塞馬先
生每作詩輒大書壁間比見補鍋匠後卽錮去前後所
題詩詩有傳者曰夜夢何奇特龍飛天漢津朝橫滄海
曲夕過溟渤濱光燁皆五色蜿蜒無損鱗淵田變化間

張主藉高曼，時蓋永樂甲申乙酉間，未幾辭主人去，莫知所終。

東湖樵夫

東湖樵夫者，樵浙東臨海東湖上也。日負薪入市，不二價。建文壬午秋，詔至臨海，湖上人相率走縣庭聽詔。或歸語樵夫曰：「新皇帝登極，樵夫愕然曰：『皇帝安在？』」或曰：「燒宮自焚矣。」樵夫慟哭，遂投湖水中，死。竟不知何許人。

鄭端簡曉曰：余聞之陶徵士，言齊二客魯雨生，史竝失。

其名操行之難而姓名翳然撫卷長歎不能已已余獨
幸夫雪菴諸君子忍垢茹荼卒晦其名以不滅其族也
常州府同知石恒德允常

石允常字恒德寧海人洪武甲戌進士歷官河南按察
司僉事廉介有聲人稱石清潭每分巡屬邑必徵行民
間嘗聞哭聲甚悲允常庶知其女爲閹宦逼姦而死受
其訴聞於朝捕闖抵法羣闖啣之巧構允常左遷常州
府同知俄北師起允常弃官歸文皇卽位追諭建文
間廢毀州府官僚事逮至者五十餘人允常與焉衆悉

海。服罪人。輸贖米五十石。獨允常。鍛鍊百端。堅不肯服。繫獄二年。免死。謫戍中屯衛。躬擐甲冑。幾三十年。年七十代還。過南都。感愴病卒於舟中。

知府葉惠仲

見夷仲附

葉惠仲初名見泰。以字行。臨海人。與兄夷仲並有文名。稱二葉。惠仲初任廣武衛知事。陞知縣。建文初。以知縣克史官修高廟實錄。二年。同考禮部。陞知府。永樂元年二月。坐修實錄時書靖難事。爲逆黨。論死。籍其家。

知府徐安

徐安郵人洪武中舉人材累官濟南知府調鳳陽靖難兵自儀真趨京師奇兵間道從靈壁出鳳陽渡河安謀知折浮橋絕舟楫拒守靖難兵竟獲漁舟以濟靖難後放歸田逾年舉遺逸有司上安名得復任居數載鳳陽諸戚里奏安凌宗親庇細民奪莊田文皇始怒曰朕昔尚爲安所困况若曹乎遠安謫戍雲南

國子助教張孔升經

張經字孔升蕭山人洪武中以明經舉累官國子助教靖難師入城弃官歸時事出倉卒夜半繞城而下幅巾

野服絕口不言時事人亦鮮知其心者晚年以棋隱東
號楸樂年八十餘而終

工部尚書嚴震直

嚴震直烏程人洪武五年起家布衣授試參議歷陞工
部右侍郎進尚書二十六年鄉民訴其弟姪不法上

付震直訊報獄具上以爲不欺赦其弟姪已而坐事

降監察御史二十八年陞右都御史復爲工部尚書三

十年二月震直上論兩廣鹽法得行江西安贛吉臨諸

府震直質直動敏上數稱之時時賜食復其家靖難

兵起震直督餉齊魯間兵敗爲北兵所縛置布囊兩馬
夾昇至北平建文遜位後復爲工部尚書奉使安南至
雲南見建文悲愴不食吞金而死

按察副使殷旦

殷旦蕭山人永樂初進士爲監察御史敢言自任不避
權勢錦衣衛指揮紀綱怙寵奢僭旦劾其奸惡數十事
綱遂棄市自是貴倖斂戢當時有殷旦入朝百官失色
之語拜交趾按察司副使黎利叛安南復沒於交趾悉
逐朝廷命吏易以所親獨留旦欲用之旦不屈自經死

交人義之具棺余送其妻子出界上

都督府都事潘誠夫

子凱附

潘禮字誠夫、鄞人。永樂中徵修永樂大典，授後軍都督府都事。宣德元年，從安遠侯柳升、成山侯王通征交趾。升恃勝有驕色，禮諫不聽。會賊再至，升出戰，忽橋斷，軍分而敗。升欲降，禮曰：「不可，唯死戰而已。」帥所部皆死之。通脫歸，以聞，詔徵其子凱爲進賢學訓導。世襲從後。

福建參議張彥華

弟敬子熙附

張瑛字彥華，建德人。自幼剛方，端重，尤勤於學，領永樂

十二年鄉薦授刑部主事遷員外知建寧府時延平沙尤鄧茂七構亂其黨葉宗留等聚衆至數千蔓延至建寧荼毒日甚瑛募壯士團義兵擊走之以功陞福建左叅政仍掌府事後餘黨復作猖獗轉甚至臨城下瑛與弟敬率兵討之乘勝逐北弟敬戰沒瑛爲伏兵所獲欲降之瑛大罵不屈而死事聞贈嘉議大夫福建按察使遣官諭祭官其子熙爲羅田主簿

張海海

建德張海海一名文淵洪武初編伍管州尋調開平永

樂十七年，從興安伯徐亨備邊，俘於沙漠，虜主奇之，欲妻以女，懇辭與之官，不受。因入貢人至京，附奏密情。十四年，朝廷嘉之，頒旨開豁原籍，仍免差徭。次年得古單，欲南遁，適天色頹迷，追騎甚迫，乃募篆於裙幅間，投置於水。至則真跡爛然，馳獻。宣皇召對便殿，賜五品服色，酒飯寶鈔。次日聽宣，賞賚如前，賜職錦衣衛千戶，懇乞歸田。海海在虜一十五年，時比之蘓武。

通政使謝時用澤

僕由吉子嚴孫元順附

謝澤字時用上虞人，永樂中舉進士，授刑部主事，歷郎

中推立法意慎持不刻同官服其詳雅會戶部侍郎周
忱經略東南運賦薦澤爲已副居淮浙數年勞績茂著
出爲廣西右叅政佐柳戾征夷招撫全活者以萬計當
是時澤與甄完胡智皆以濟憲有聲人稱越中三良正
統十四年虜內訌北邊戒嚴朝廷擇才望守要害貴臣
有受命者巧爲規避而澤以九載考績待除闕下遂拜
澤通政使提督居庸白洋等關是時駕已北狩京師軍
伍空虛澤單騎以往其子儼送之出境澤執手與之訣
曰吾必以死報國矣既抵關上士卒方散亂又不知通

政爲何官無一人出迎者澤乃宣勅旨無將士將士乃稍稍至然皆悞怯不振頃之虜大人吏卒皆散走獨澤猶率麤卒殿山口且拒且却或請移他閤姑避其鋒可無虞澤曰吾受國厚恩三十年此豈偷生日耶會風起沙塵漲天人馬不能辨遂得却走入閤南佛寺中門急猝不暇閉虜突至澤端立厲聲叱之遂遇害虜騎方克斥其僮曰由吉者抱澤骸匿亂尸中始得歸朝廷嘉其忠誥賜葬祭錄用其子儼大理評事孫元嗣正德丁丑進士終工部郎中

兵部主事俞元器鑑

子偉附

俞鑑字元器桐廬人登正統六年進士丁外艱哀毀骨
立服闋授兵部職方主事奉命清理大同等處軍政清
慎詳敏取舍得情十四年胡寇也先犯順郎中胡寧當
行以疾求代鑑慷慨許諾有以子幼家遠沮之者鑑厲
聲曰國事如此可言及身家耶至庭中撫二子摩其頂
曰若等自當成人我不能顧矣時尚書鄒瑩知其賢悉
與籌畫應對如流力勸瑩奏 上班師不聽七月十六
日抵大同命平鄉伯出戰敗績回至宣府八月十三日

過難鳴山遇寇成國公朱勇敗沒回至土木也先人馬
大至皇輿失守鑑謂其家丁曰若急走報吾不得歸矣
遂躍馬入虜陣死鑑氣節慷慨有大志八歲聞父讀出
師表卽能扣其大義事親與兄如成人禮忠孝蓋出於
天性景泰改元贈承德郎官其子偉正德間僉事韓邦
奇題其墓曰惟公事不避難勇克死義爲臣以忠卓哉
無媿

廣東副使毛宗吉吉

子科附

毛吉字宗吉餘姚人景泰五年進士授刑部主事是時

錦衣衛指揮門達等怙勢作威其黨有犯有司莫敢問
獨吉懲之以法不少假於是其黨交訐之吉偶以失朝
下詔獄乃羣嗾健卒挺之幾死轉廣東僉事分巡潮惠
時劇賊楊輝據程鄉之寶龍石坑龍歸三洞攻掠城邑
吉督七百餘騎破賊三千衆擒其黨曾玉譚瑩而寶龍
之賊伏山上發毒弩我軍不利乃選死士百人掩擊之
楊輝殪衆遂驚潰連破三洞斬首五百級俘六千人又
擊破雷州巨寇部內悉平捷聞降勅獎諭陞副使總理
軍務賊又攻河源縣吉屢敗之餘衆遁於陽江之雲岫

山我師徃勝突入賊營陣亂賊合兵乘之我師潰從騎
勅退避吉不聽死之是日晝晦烈風雷雨大作山谷皆
震動踰七日得屍貌猶若生事聞贈廣東按察使謚忠
襄遣官論祭錄其子科入太學廣東及餘姚皆廟祀之
初吉之遇害也貧無以歸僚長以犒軍餘銀密付吉家
僮爲道路費吉神降於僮婦亟呼曰夏憲長吾平生玉
潔肯含垢入地下哉悉索還之闔署駭歎謂其死無易
節如此科後亦舉進士有名官終提學副使

長隨何鼎

何鼎餘杭人其人內爲長隨不知其所自性儉素好讀書知大義弘治間目見張皇后兄弟出入宮禁無所忌心甚忿忿以爲祖宗法度外人不得至此安敢賫亂乃爾一日孝宗與張飲偶起如廁除御冠於典冠者張戲之復帶酒污宮人鼎遂持金瓜候宮門擊之時太監李廣露其事僅得脫明日鼎上疏極言之張后大怒梓鼎至撲殺之投尸海子時翰林某有詩曰外戚擅權天下有內臣抗節古今無道合比干惟異世心於巷伯却同符至今人猶能誦之

兵部員外郎陸汝亨震

陸震字汝亨，蘭谿人。少從楓山先生學，慷慨有大志，以名節自砥礪。舉正德戊辰進士，授泰和令。恩威並著，振恤民艱，邑稱大治。考最，授兵部武庫司主事。遷車駕司員外郎。時江彬怙權伺竊，而車駕多巡遊，震抗陳仁義之說，禍幾不測。頗大臣救免。已卯春，彬復誘上南巡，命下中外洶洶懼變。巨測震曰：「事急矣，既不能去，又不能言，吾何以祿爲？」遂與同官黃公鞏、陳六事請斬江彬以謝天下。彬銜之，矯詔下錦衣獄，逮繫月餘。奉梏。

雖於庭五月三訊三杖面斃時霾霧四塞晝晦如夜水
溢內海子玉河七鐵柱齊折如斬僉曰此乃天意示變
也初震之在獄也病創方劇乃與黃公鞏講易九卦以
明處憂患之道其從容就義如此世宗卽位首詔贈
太常寺少卿遣使諭祭錄其子體仁有司爲立專祠祀
之賜額曰褒忠

江西巡撫孫德成燧

子堪堉附

孫燧字德成餘姚人弘治癸丑進士自刑部郎歷藩臬
並以廉幹著聲時宸濠逆謀日露朝議選才節大臣推

其機牙。權副都御史。起撫江西。燧聞命。歎曰。投艱於我。死生以之。携二家僮入南昌。南昌洶洶。謂宸濠旦暮得爲皇帝。諸省臣附黨及羣。以依附者。相助爲聲勢。燧左右。盡宸濠心腹。言動輒告。宸濠先是。宸濠中傷胡世寧。下詔獄。燧力爲滿雪。得不死。至是。雖逆謀有迹。顧宗室不敢先事訟言。但託禦他寇。曲爲備首。城進賢。又城南康。又城瑞州。南康安義鄉者。盜賊淵藪。近割地開爲縣。饒撫二府。罷兵備。燧曰。緩急曷倚。奏復饒撫兵備。不果。復又請勅湖東道分巡。兼理兵備。與饒相爲犄角。九江

當湖衝最爲要害，請重兵備。樞兼攝南康寧州武寧瑞昌及湖廣興國通城廣信橫峯青山諸寨地險人悍，設通判駐其地兼督六縣。又恐宸濠一旦起，劫兵器假以討賊，盡出會城兵器外府。凡七上疏言宸濠必反，輒爲奸黨所邀，匿勿得達。卽達上，又爲諸權倖盜致宸濠所索金壁謝不得已乞休，又不允。積憂勞數月，髭髮盡白。十三年江西大水，宸濠所畜賊凌十一，共十三閔廿四出沒鄱陽湖，行劫燧與按察副使許遠議調兵勦之。三賊遁沙井去，燧出不意乘夜出江外掩捕，遇大風雨。

不克濟三賊竟走匿宸濠林墓中不可踪跡時御史蕭
淮發宸濠反狀朝廷遣重臣卽訊宸濠懼將舉兵會生
辰宴官屬明日入謝宸濠伏諸兵校幕中出立露臺上
直言太后密旨詔我監國燧毅然曰安得有密旨者卽
有密旨何不宜讀濠厲聲曰毋多言我取南京汝保駕
否燧益怒瞋目直視濠曰天無二日國無二王太祖
法制在誰敢違者濠怒却入殿中易戎服以出幕中兵
皆起露刃環立濠大呼罵曰我何負於汝汝奏我七本
燧曰朝廷何負於汝汝反耶濠大怒喝武士縛燧一時

僚屬皆駭愕相顧。股栗不敢出聲。獨副使許達奮起爭曰。孫巡撫朝廷大臣。安得無禮。濠命并縛達。押出惠民門外。斬之。皆挺立不屈。罵不絕口。死。宸濠竟用三賊爲水牙。僞稱將軍。首遣婁伯招誘賊黨。至進賢。知縣劉源濬斬伯。乘城拒守。宸濠又遣人招黨賊。黨賊有官司在。不得發。又大索兵器城中。不得。賊不得兵器。皆持梃竿。比至安慶。王守仁起義兵。擒宸濠湖中。諸逋賊至安義縣。有守吏不能走。故盡獲。湖廣浙江以饒撫故。不被賊禍。皆由燧先事設機。發必中的。是以後起者得擒賊。如

保靈領死難者久之阻於佞倖未得褒贈至嘉靖元年始贈禮部尚書謚忠烈立祠祀江西錄其子世錦衣子戶先是弘治壬子浙試場夜半見二巨人衣緋綠東西立大言曰三人好作事忽不見已而燧與王守仁胡世寧同舉及濠之變胡發之孫死之王卒戡定之世以爲偉談忠烈公三子堪墀陞堪以父蔭官錦衣中武舉第一歷都督僉事贈都督同知初聞父訃慟哭挾刃率二弟赴之會濠已擒乃扶柩歸葬廬墓三年有芝產墓上已而奉母楊夫人就養京師日率二弟伺顏色拜跪起

居務盡其權而當退處痛其父淚時時霑臆也及楊夫
人考終已九十餘堪亦踰七十矣竟以哀毀骨立卒於
途撫臣上其事詔特以孝子旌之墀領鄉薦以文學入
典內制終尚寶司卿其孝友無間於弟昆陞自有傳孫
氏父子兄弟間文武忠孝尤世所希儷云

裕州同知郁亮之采

郁采字亮之山陰人少刻苦向學有節槩正德戊辰登
進士授刑部主事不能阿部長詔長附吏議奏謫大名
教授稍遷裕州同知適流賊起河北殘破州縣勢甚熾

采身率裕人繕城以待賊至。裕守欲棄城走。采曰：母爲民望，乃身先登陴，矢石四下，賊避城而營，則又遣人潛俘其醜，手劔之，酒淚以激州人。州人感且泣，人人願效死。賊稍稍引去。采計其必復來，益練兵厚爲備。令人昇妻女，托其友儀賓莊士僑，且與訣曰：脫賊再至，采必死。所欲以家累累君者，恐重傷老母心也。莊館其妻女於母所，已而賊果擁衆譟呼至，守益怖欲走。采曰：母恐西南城堽河也，寇難近屬。公東北平淺易破，有采在左右，知采必死，謂曰：母在奈何死。采曰：止。曾是倫生以爲孝。

手賊攻東郭不克守開西門潛遁去賊乘之入采還救
巷戰被執罵不休賊裂其口輔殘其體事聞詔贈光祿
寺少卿命一子入監采無子子其弟東之子翀采既死
賊據裕二旬乃退莊率其家人於藁戶中辨其骸而歛
之已而奉其柩及其妻女罄家泣送以行唐王大書忠
節二字以旌之采所著有蘭州集毀於賊手獨六思詩
及賊退古詩數篇莊收之故傳莊嘗有詩挽之云身後
春秋有是非路人爭以口爲碑重於岱嶽捐生日怒若
雷霆罵賊時那忍茫滂猶有母尚憐伯道竟無兒皇天

我墮睢陽浹半月荒城未集尸采誠忠臣兼亦義士也
哉

朱知縣士亨

朱士亨，蕙谿人，少有志操，由薦舉任交趾那岸縣知縣，
以中原禮義之化教誨其人，俗爲之變。交趾陷，欲脅之，
降，慢罵不屈而死。

永福知縣周克光煥

周煥，字克光，浦江人，資性穎悟，博學能文章，居家以孝。
友稱。嘉靖戊午，由貢授福建永福縣知縣，居官兩月，倭

寇猖獗攻陷郡邑城池所至風靡煥率民兵晝夜督戰
斬獲百餘級賊退憤甚益衆并攻煥勵志堅守月餘力
竭糧盡外援不至城陷猶喋血巷戰死之時一家死者
八人福民白於上官立祠特祀扁其額曰忠勇

僉事王汝修德

王德字汝修永嘉人弱冠成甲第授東昌府推官父繼
服闋補大名兩司雄郡理以一切治辦稱權給事中即
勅上簡內閣輔臣失執政意時北虜闖入內地薄京
畿德上方略十餘事當上肯比奏即報可出募兵山

東爲諸道最精紳士大夫交口推其才謂可當一而而
德亦誓以死報國會新太宰上事德技刺少殺其禮太
宰以爲強項而惡之遂承執政指出德爲廣東按察司
僉事德所募山東兵精甚每自恨不得以其兵當虜一
百而其餘事嶺南也數選練驍銳以軍法約束之身入
諸徭寨所傷殺捕酋過當歸適有倭亂乃納太夫人城
中而從其宗人豪散資財募兵爲募井捍嘗一再敗之
斬首獲生以數十計最後雖擊敗賊然失其豪以是憤
志奮益前募復豪仇而郡援不至兵遂敗德攜手射殺

數人罵賊以死。賊自是奪氣。卒不敢越德鄉而薄郡郡。賴以完。事聞。天子嘉其誼。贈太僕少卿。賜祠春秋祭。類曰。愍忠官其子一人。錦衣百戶。世世勿絕。

姚長子

姚長子者。會稽人也。嘉靖乙卯。倭寇自諸暨突入郡境。獲長子。貫其肘。使爲導。長子乃給之西。而密呼鄉人曰。俟我過某橋。若等亟繼之。我引賊入絕地。可悉就擒。我死。不恨。已而果陷賊於化人壇。四面皆水。我兵截其後。賊知爲所給。殺長子。挫其尸。賊百三十餘人。乃盡殲於

此鄉人在祠祀長子於死所

義士汪較

汪較奉化人也力挽強弩尤精矢藥及刃俱習有司上於軍門賜以義士關防嘉靖壬子夏倭寇入奉化應家湖較率兵射斃十餘倭倭創艾遁去較竟被傷以亡當道命有司管葬表其門曰義士之門

魏鏡

魏鏡慈谿人生有絕力善格鬪聞倭寇至海濱輒自奮曰誰無死者死而能衛桑梓庶幾爲義鬼矣乙卯賊由

餘姚至鳴鶴縣令曹本率衆禦之兵敗鏡負縣令脫走賊復追之踰社湖嶺而南鏡乃操刀衝殺數賊賊斫傷其額猶憤怒力聞竟死縣令爲之灑泣爲文祭之

吳德四 弟德六附

吳德四慈谿人海濱農夫也倭上平石經其廬驅其豢豕德四持鋤日田歸遇倭於門揮鋤中其腦仆地弟德六取倭刃追殺一魁遂以壯勇有聲隸柱樞部每遇寇卽衝鋒奪旗以爲常海道知其名檄往攻舟山險寨德四直前砍賊渠於轅門寨內驚擾噪而出怯卒皆遁旆

走而賊斫德四躡德大奮呼曰兄死矣獨前截其殺兄者後兵不繼六亦死賊渠被戕寨不能守卒爲官兵所破

葉七

葉七者定海衛軍也賊渠王直負金塘烈港穴爲寇大將俞大猷提卅師直入其港討擊火砲橫發烟焰漲天勝負未分而我舟忽挂賊纜檣楫不能施賊衆方逞七徑取斧投水以其纜未及斷賊以矛刺七貫其頂七大呼曰死矣吾必斷其纜連揮數斧纜斷而沉舟遂免後

四日大獸卒破賊而空其穴以不得七尸爲恨厚卹其家爲招魂而葬之。

蔡啓元

弟昆元附

蔡啓元以良家子勤王擊倭奴累戰功授千夫長嘉靖三十八年三月丁酉我兵當賊於奉化之江口橋行列已定鼓而向賊隊士俱錯愕不前啓元獨奮怒裂眦罵不休徑匹馬縱橫而前與賊逼賊駭或走或伏啓元手格殺數人會天新雨馬行淖潦中不得出力盡矢空顧左右皆散去僅弟昆元與二三家僮不去啓元怒益甚

賊乘間涉河繞其背刺之死踰時猶怒立馬上不墜人
共壯之軍門命有司具棺歛給賞歸其喪

杜茂卿槐

父文明附

杜槐字茂卿慈谿人家濱海倜儻游俠輕財好施少游
塞上歷訪邊徼險要有抵掌伊吾之志比歸而值倭寇
屢犯內地從佑客得島上狡慝狀曰是將滋蔓遂散家
資結駢勇傾身下之得士死力癸丑寇薄觀海衛城槐
曰衛破卽無縣矣一呼而羣勇俱集直前砍賊賊走衛

遂得全乙卯五月賊又犯鳴鶴槐率衆迎擊賊走餘燒
東山槐越境追之適賊飯空舍中槐提刀直入賊伏墻
隅揮刃中石刃缺內賊競出槐與五六健卒提缺刃當
之自午至酉鏖戰不已戮其渠并從賊三十二人竟以
飢疲力竭昇歸而絕後賊見黑旗卽驚遁日杜兵至矣
父文明痛其子死其麾下壯士皆願從文明殺賊以復
讐未幾賊燬鳴鶴文明昇死出曹令於重圍之中是年
冬寇自黃巖犯寧海文明偕畢主簿統兵遮要遇寇於
奉化楓嶺之麓據高臨下布陣方定而生兵遽走杜兵

寡不能敵遂與界主簿俱死焉一年中父子同死國
事當道義之爲請於朝勅贈槐光祿寺署丞文明府經
歷死所立祠有司歲時祭祀復其家仍廕一子入監讀
書

趙乾僧

趙乾僧象山人少負勇略倜儻不羈嘉靖癸丑倭奴寇
白石梅溪逼縣治上下驚怖僧奮不顧身率勇士數千
人逐之賊二賊賊衆稍却僧乘勝追之墮其伏中遂被
刃死當是時邑尚未城而賊終不敢犯縣境者蓋僧有

以奪其魄云

朱汀

子友章王永希附

朱汀亦象山人多勇力素好劔槊嘉靖甲寅四月倭賊登赤坎屯李家畝大肆擄掠汀與其黨王永希及子友章等數十人直擣其穴賊奔管走追至開口巖日已曛賊計窮感遂返戈逆戰良久汀爲流矢所中猶手刃數賊力不支顧謂其子曰吾以死報國汝等宜速去友章大呼曰子獨不能以死報父乎與王永希奮力直前格

開死

定海文學戎良翰

戎良翰定海縣學博士弟子也資性峻介義不苟合素以忠孝自期每讀書扼腕輒投其筆曰班定遠何人能以拘儒終哉識者以功名期之嘉靖丙辰倭夷大掠內地遂陷慈谿良翰家靈緒去慈壤甚邈乃倡義集鄉中子弟拳勇者部署之得百餘人傾家貲市牛酒與共酣飲擲盃大呼挺戈而前直與賊搏力斬二級賊披靡去復呼子弟輩飲其餘瀝額賊去未遠恐貽禍隣邑普盡殄之乃已遂率眾追之與賊遇於丘洋良翰攘臂一呼

目皆盡裂奮戈力戰賊慙前勦益其衆張兩翼而來達
出於後腹背夾攻矢如雨集良翰力不支爲流矢所中
死猶怒目摧戈僵立不仆賊不敢逼而遁監司爲之禮
葬且表其門云

饒州府判秦仲文碧

秦碧字仲文慈谿人少博學工文辭領弘治己酉鄉薦
屢上春官不第謁選得江西饒州府通判者庶能聲會
萬年縣姚源賊反勢猖獗甚督撫陳金討平之其黨尚
衆而巨魁王重七等陽聽招撫實懷異志碧受檄署萬

年時縣治初建百務草創史胥皆爲賊耳目上下洶洶
碧苦心經畫衆稍戢而兵使李情謂亂民宜重典特用
嚴罰繩之益不能堪遂復叛殺兵使縣佐指揮等官幾
十人碧亦被執賊帥號於衆曰秦爺清庶好官不可害
碧厲聲罵曰我朝廷命官豈向賊奴求活耶汝不敢殺
我我必寸斬汝矣因顧左右曰官兵何在賊驚疑有伏
遂遇害時正德癸酉十月也事聞詔立祠旌忠愍一子
散官議贈諡未果士論至今惜之後從姪中丞鉞撫江
西爲文祭祠下忽有風霾之異人謂其精靈不朽云

江西左叅議黃德裕宏

黃宏字德裕其先爲鄞人國初有名子良者從戍於京
隸羽林右衛改隸孝陵常往來應天之六合因家焉起
家進士爲萬安縣知縣以撥煩著調秦和徵人爲戶部
主事乞便養改南京刑部主事調戶禮二部歷員外郎
郎中出爲江西布政司左叅議會從賊作亂上命都
御史王守仁統兵征之守仁知宏才檄監軍督饒有功
捷聞詔加俸一等賊閔廿四等旣降復恃逆濠爲營窟
剽據九江上下莫敢誰何宏毅然發兵捕之獲其輜重

明倫彙編 家範典 卷之四

忠貞堂

卷之四

以歸。逆濠之將反也。是。一日。假賀生辰。留宴。撫按。潘。泉。諸司官。次日。伏甲官中。伺衆官入。謝遂殺都御史。孫。燧。兵備副使。許。逵。而。勸。囚。諸官。宏。遂。械。繫。入。獄。逆濠。重。其。才。遣。人。入。獄。說。使。同。謀。宏。瞋。目。大。罵。曰。恨。吾。手。中。無。刃。不。能。立。磔。此。賊。奈。何。欽。題。公。從。逆。乎。遂。忿。恚。不。食。死。時。年。五。十。逆濠。心。重。之。加。棺。斂。焉。初。逆濠。又。蓄。異。志。士。大。夫。常。相。對。以。爲。憂。宏。獨。正。色。曰。國。家。不。幸。有。此。我。輩。守。土。之。官。惟。有。死。而。已。至。是。卒。以。遂。志。宏。作。宦。始。終。於。江。西。惠。流。威。暢。一。死。尤。爲。得。正。士。人。至。今。不。忘。祀。於。南。鎮。

者曰三公祠祀於南昌者曰旌忠而朝廷追念死事贈
爲太常少卿云子二紹文紹武宏既死紹文聞訃赴難
此至難解求得棺委頓方甦以棺出僞命亟易去扶歸
君子多其謙

江陰縣知縣錢鳴叔錚

錢錚字鳴叔其先吳興之安吉人七世祖喜興國初以
功授荊州百戶已徙承天護顯陵而錚家在荊州遂以
荊州籍領嘉靖己酉鄉薦庚戌登進士第由知江陰錚
性剛果遇事敢爲時倭夷亂浙東朝廷置督撫大臣鎮

之錚度浙直唇齒地彼有備賊必西向亟請繕城待之
明年癸丑城成而賊果犯蘇松又明年甲寅四月賊掠
江陰錚遣兵逆之斜橋三戰却之賊不敢偏城退營於
定山會歲侵江陰羣盜亦起錚恐其翼賊稍招輯之諫
其魁而解散其餘黨是年冬賊據柘林明年乙卯春賊
自柘林入三丈浦騰陸疾趨青陽鎮已賊艘在三丈浦
者爲奉政任環所燬乃奪民艘南趨無錫攻城不克又
還趨江陰錚禦之於石撞矢盡繼以瓦礫錚被創殊死
聞賊遂遁去錚策賊意未滿當復來預管華堂而陳賊

界邊來官兵斬首九級相拒久之死傷略相當乃更舍
常熟賊三千人析其半寇靖江而餘航蔡港入佃城錕
業領應援靖江得報亟還江陰賊已渡大橋明日攻城
城守固賊移營蔡涇距城九里焚掠四野烟焰蔽天錕
從城上望見賊日營口竄暑烈矣奈何與此賊俱生耶
乃騎而背賊決死戰時狼兵與所募甲卒僅千人先是
狼兵輸錕以法折之至是乘其溝賊故望風潰走錕自
督其所從卒血戰良久錕忽被創墜馬復躍而上他賊
盡從旁戰之下死焉時六月十三日也明日縣人來報

此雖奉朝不得有謀其甲冑以討者而之請歸其家於
成欽事與詔贈錫光祿寺少卿世錦衣五百戶
祠江上歲以春秋祀錫死年二十一

常樂縣知縣王德威

字德威

王鈇字德威東陽人以成從順天左驍衛遂家京師鈇
自爲諸生時偶儻有大志所與游者四方豪傑皆稱好
稱奇節常日笑咄咄登儻不足共天下事者始靖庚子
於鄉舉成登進士第會西諸事不聞然其心已大司馬

提一尺從新開擊處之部人士許以之

人大王道東陽上先人家具酒食大會族里意氣過其
未幾拜常熟令邑海墘大豪多數亡命作姦監司微收
之鉄曰網疎則魚漏網急則磨鷲招之便亡何諸大豪
躡踵至鉄盡賞其罪俾隸署中爲承牙歲癸丑島夷入
寇其中震動鉄語諸大豪曰爾輩罪百吾不卽爾問以
有緩急也倘一日寇來爾輩何以報我哉曰願效死鉄
乃立爲膏長俾部署子弟得數百人合邑中素練士教
射列陳至肝食命工利兵械試以擊刺無不應手廉者
邑故無賊鉄請豎司城之蕭真發寇犯關由是內向古

人惶急走，法擁京壁野，誓以死禦，賊知有備，引去。法乃
提兵，行築凡三月，而城成。明年夏四月，賊由海道入，
薄城北，矢礮交下，賊稍稍去。銖曰：賊來未創也，而去，其
辭我厚，倍繕具待之，詎且賊果突至，銖督兵出，兩道接
戰，斬首數級，賊憤走。五月，復入三丈浦，大掠，銖馳，以兵
乞援，備兵任環統苗卒應，欽北戰，大捷，斬首百五十級。
生縛七人，溺死者，不再勝數，具越中論，刺寇功，以三
丈浦爲冠，自是鉄料賊，必不敢復犯我，卽犯，成擒矣。三

年夏五月，賊掠旁邑，方舟從，兵門向土湖，題海上，賊

劍起曰：最虜乃尚敢涉吾地耶？吾不能坐令陽陽去時。
奉藩鎮泮，居憂於家，素善射。初寇至，從鉄登陴，偶而射
相顧沾沾喜。至是泮從夷之鉄，益奮倉卒，召諸耆長各
率所部，揚小艇數十，追躡賊偵我入隘中，出不意夾攻
我。時獨耆長數人從鉄前，諸健兒皆後。數人者力聞死，
鉄奮擊及泮，不克進。怒髮上指，瞑目大呼，而刀割腹中。
矣。泮亦聞而死。鉄時年四十二，監司列其狀聞於上。
詔贈太僕寺少卿，製十。賜長子汝祐錦衣衛百戶。
世勿絕。

錢汧字鳴教。世爲臨安人。爵出。具。越王鏐南渡時。徙居常熟。遂爲常熟人。登嘉靖乙未進士第。由侯官縣知縣。歷官陝西按察副使。以內艱家居。時倭夷爲三吳患。直掠黃劫。多所殺傷。而常熟濱海。帶湖。罹禍尤慘。汧謁令。錢謙之曰。寇旣得志。勢必復來。公有守土之責。而吾父。母之邦。墳墓親戚所在。忍坐視也。乃日與商略。爲備禦。計練兵。飭甲。部分調遣。事甫就緒。而寇猝至。城下。卽與。鈇。率衆急擊。連弩繼發。寇乃遁去。又明日寇自上湖北。下直搆讓港。汧謂錢曰。此可邀而擊也。部領民兵抗。陸。

出港轉戰而前殺傷相當俄而賊大衆掩至洋麾下鳥獸散衆寡不敵身被數創猶手刃三賊遂與鈇同死焉是乙卯五月廿有四日也嗚呼承平日久所在備弛兵興以來並海州縣徃徃閉城自守或不發一矢而洋非有官守未始受命征討徒以桑梓之故慷慨激發摧鋒陷陣竟以身殉豈不誠義烈也哉事聞天子震悼贈卹之典悉與鈇等復遣官諭祭於其家

永福縣知縣周克光煥

周煥字克光浦江人資性穎悟博學能文章居家以孝

友。稱。嘉。靖。戊。午。由。貢。授。福。建。永。福。縣。知。縣。居。官。兩。月。倭。奴。內。犯。攻。陷。郡。邑。城。池。所。至。風。靡。煥。幸。民。兵。晝。夜。督。戰。斬。獲。百。餘。級。賊。退。憤。甚。益。衆。併。攻。煥。勵。志。堅。守。月。餘。力。竭。糧。盡。外。援。不。至。倭。乃。攀。堞。而。入。煥。揮。刀。躍。馬。率。敢。死。之。士。踈。血。巷。戰。力。不。支。爲。倭。所。害。時。一。家。死。者。八。人。事。平。福。民。白。於。上。官。奏。請。特。祠。旌。其。額。曰。忠。勇。

陸世胄名賢

萬文質斌

子鍾係武文附

萬斌字文質其先定遠人也沉靜尚志節元季海內擾亂斌仗劍從太祖克滁和真三州授副千戶鎮滁洪武紀元調永平三年征沙漠大戰於阿魯完河死於敵長子鍾字榮祿襲副千戶十七年守禦定海累策軍功二十八年陞寧波衛指揮僉事三十二年從征花園亦死於敵孫武字世忠繼鍾僉寧波衛事永樂六年從黔國征南蠻又力戰而死文字世學事母至孝十年承兄

咸十六年日本寇邊率海艦追斬盜首若干級明年其
禦桃渚忽颶風破舟溺焉一門四世皆死國事論者多
之

遼東都司都指揮同知李任

李任金華永康人洪武中襲父爵爲燕山右衛指揮僉
事從太宗皇帝起兵靖難以功陞遼東都司都指揮
同知鎮守彰德宣德元年從征叛賊黎利守昌江城既
獲都督蔡福逼令福至昌江城下呼任等速降任於城
上罵福曰汝爲大臣不能殺賊反爲賊用狗彘不若用

錢學之賊懼，擄福去，遂大集兵，象樹雲梯，四面攻。與顧福等留老弱婦女守城，率精銳出擊賊，燒其攻具。賊又築壘射城中，任夜出襲其營，破之。賊掘地洞，欲潛入，任開橫溝，用將軍石擊之，入者輒死。城中士卒初有二千餘人，前後三十餘戰，至是死亡過半。賊益兵象攻，圍日急，相拒凡九閱月。人力疲困，芻糧匱乏，賊遂陷城。而入，任福率死士巷戰，三敗之。賊擁象益兵而入，任福力竭，皆自刎死。時宣德三年五月也。內官馮智指揮劉順知府劉子輔俱自縊死。城中軍民婦女不受屈辱。

自殺者數千人

崔有本源 二弟澄清附

崔源字有本世家雲中天性孝友深沉有智襲寧波衛
指揮同知蒞政老成人不敢于以私正統十三年閩浙
盜起從總兵寧陽侯勦捕累獲奇功檄禦金華殺賊一
十七級生擒陳唐奇等五十人解京功陞署浙江都指
揮僉事改徵武義一日火發連營源倉卒遇敵時仲弟
澄季弟清從在營中源曰事急矣我當死之弟可自爲
計卽應聲曰兄旣死忠我乃不能死義乎遂挺身而前

無軍無糧。破賊橫刺。墜馬死。事聞。雖其母官一級。

黃巖賊騎兵林文貴

林文貴。台之黃巖騎兵也。從千戶呂志征。賊源洞賊。賊
聚。將至。志力戰死。事遂奔潰。文貴臨陣大呼曰。不可負
主。一騎。殺。賊。騎。賊。賊。推。衆。檢。之。會。使。歸。文。貴。怒。罵。曰。我
是。朝。廷。命。軍。豈。從。爾。賊。賊。請。賞。於。爾。罵。不。絕。日。刺。腹。劍
入。而。死。事。見。許。祀。山。死。事。傳。邑。人。董。漢。詩。曰。風。嚴。日。薄
牙。旗。倒。華。澤。濕。腥。血。腥。林。生。被。縛。心。知。鐵。膝。不。可。屈
頭。可。殺。賊。高。聲。箭。滿。身。續。得。子。年。果。卿。古。來。盜。官。

趙汝家所難陽之風道德烈土公呂臣同死節一介
提誰說於手施全亦側微吳山香小公借蘇矣

陳表

陳表昌國百戶也嘉靖癸丑倭寇入城表曰吾力無如
之何有死而已但所攝印多我死置印何地邪遂送母
出城納印於千戶金卷出門追賊奮鬪而死

火德光

火德光觀海衛火槍揮次子也中浙江武舉率海舟與
倭賊戰賊灼火毬拋德光舟德光揮手接之還投賊舟

賊衆穢焉人皆異之由是屢立奇功言不與賊俱生賊屯普陀山率衆直搗賊營力屈爲賊肢解投海中

宋汝親應調

宋應調字汝親字波衛百戶中嘉靖庚戌武舉授正千戶掌印事執法不撓因每得下考軍門王忬獨奇之命取兵船於閩應期而至忬益委以兵寄客兵曠悍難馴應調每約已裕稿而厲以軍法無不嚴心聽命癸丑諫恭將直隸爲先鋒戰上海史家浜追賊至海寧二十里亭復從戰平湖戰白沙灣戰金山皆有功其戰史家浜

也。兵北賊追幾及。應淵急反弓發二矢皆中賊項貫其額。親兵復飛槍殺四人。因起戈大破之。應淵用是臨賊必身先士卒。竟以疲兵猝與賊遇於海鹽之孟家堰。不支而死。死時猶飛刀殺一賊。乃絕事聞。廕其子襲千戶。仍建祠城北。闕祀之。

秦彪 弟漢附

秦彪爵溪所百戶。嘉靖壬子。倭賊登赤坎攻游仙寨甚急。彪曰。游仙與爵溪唇齒。無游仙。是無爵溪也。先人遺義汗馬。勲不死。戰而死。法何以見於地下乎。乃與弟漢

疾馳赴圍力不能支遂俱死焉。次年三月倭寇陷昌國。時致仕指揮吳彰携妻子避去。以死事屬其子道南。頃見其來驚曰若復來邪。失城守者死無赦。盍不爲忠義鬼乎。道南俛首不答。彰乃陰使其友人雅善者百方謀之。不從。竟死於法。論者每以秦彪事責之。

葉朝佩紳

韓編附

葉紳字朝佩。寧波衛百戶。少不羈。習手搏。善雙刀。嘉靖乙卯五月。倭寇五十餘人流入橫石橋。紳偕千戶劉英領兵策應。至七里庄。紳奮雙刀躍馬奪橋。獨進。應者不

繼遂爲所殺。後二日，賊西流至樟村，千戶韓綱復領兵防遏，猝與賊交，從兵皆散走，綱挺身獨戰死之。

劉大昌隆

劉隆，字大昌，定海衛指揮使。以強幹屢勸總諸衛備倭。時海上寇起，許二陳思盼最盛。隆畫謀攻賊，卒平思盼。後賊入康頭，隆提舟師薄之，而我舟忽膠。隆腹中一矢，益奮怒，鏖戰賊少却。遂揮諸舟競進，卒破賊，俘四十餘人，斬首百餘級。嘉靖壬子，遷把總。嘉興統舟師備乍澱。二浦當松江七團，賊歸隆扼之，焚沉賊舟，俘斬首虜二

百餘艘會破史家浜賊。隆又扼之，沉賊舟敵滿外洋。一日追賊向暮，黃霧四塞。隆以孤舟在賊圍中，遠曉從兵皆懼。隆大喊作氣，手發一地雷，衝十數舟，復殲二舟，俘斬復二百餘。陞署都指揮僉事，守備溫處。乙卯倭寇數百，將薄瑞安縣。隆整兵，遽出欲折其鋒。偏將尹千戶請旋師避之。隆不聽，徑往遇之，殺十餘賊。賊遁去，迺軍至田間，有數賊伏莽中，突起擊隆。隆不及應，遂及尹千戶俱死。事聞，贈都指揮僉事，仍與世襲。

劉大光爓

劉炳字大光世爲寧波衛指揮使年二十襲父爵用薦陞領州軍門把總未幾陞福建備倭總督嘉靖三十五年三月福清縣倭賊登岸盤據海口鎮官兵屢挫炳領兵夜襲其巢賊遂奔潰由古田寧德望海而遁炳即提兵由捷徑宵行趨寧德縣石壁嶺要賊逸路比至嶺隘倉卒布列未整而賊已至部伍散亂止家兵數人在側炳顧懷印者曰亟去爲我保此印歸朝廷吾世受國恩死矣炳卽挺身執鐵鉞格殺三賊力盡無援賊衆擁至斃於賊刃所揮鐵鉞尚堅執不墮其勇烈如此御史吉

澄上於朝立廟祀之

海寧衛馬呈圖

姚弘采煉滿朝徐行健李元律附

馬呈圖海寧衛指揮嘉靖三十一年五月倭犯海鹽新
塘嘴呈圖聞報卽統衛卒同把總王應麟奮勇攻擊生
擒二十四倭餘賊驚遁縣境獲安次年四月倭酋八大
王者自青村登岸轉掠金山白沙灣所犯官軍俱經摧
敗呈圖提兵出城與賊鏖戰良久忽大風揚沙官軍驚
潰呈圖奮不顧直入賊圍身被三十餘創死當是時倭
寇被東南而海鹽最烈一時死事之賢繼呈圖而起者

若姚弘采煉浦朝徐行健李元律諸人皆海寧衛世祿
之胄能臨難不避慷慨樹節齒刃若飴以報國恩卽古
烈士何以加焉今城北立祠合祀之題其額曰英烈蓋
鼓勇作忠以勸來者於不倦云爾

兩浙名賢錄卷之八終